



Schnuderbinggis

Melodie: noch eme-n-alte Kinderliedli

Alli Zytige sin voll
Wie-med'Brugg ächt schtryche soll
fuffzig Muschter setzt me-n-a
und schiggt Fachexpärte dra.
Basel mecht e Name ha,
Jede Schlricks muess glaube dra
Worum nit Vielfarbedruck,
fir e' ganz verruggti Brugg?

Iberall in alle Schädt,
hyt me Bolizeihind het,
numme z'Basel a mim Rhy,
sell das unrentabel si,
doch das het si b'sundere Grund,
überflissig sig e Hund,
d'Bolizei wär sälber froh,
kennt sie inn-e-re Schbur no goh.

S'wird e Panther lang vermisst,
wenn er numme keine frisst,
niemerts rächnet mit, i wett,
Ein dr Panther gfrässe het.
Wenn's Kameel wär ab im «Zoo»,
hätt mes läbig zrugg bikoh.
Soviel hätt dä Rammel gwisst,
kai Kameel e-n-anders frisst.

Wenn e-n-arme glaine Ma,
s'Gschäftli nimme hebe ka.
will nit stimmt meh Soll und Habe,
Darf er ruhig sich begrabe
Wenn sich s'**Volk** uff d'**Bank** verloht
und dr Bulver flete goht,
druggt me-n-aifach d'Kneedli zue,
mäkkt die dummi Schwyzer Kueh.

Bleff-Reklame muesch verstoh,
wenn d'wotsch gschäftlig vorwärts koh.
Gracht und gyrt dr alti Schtäg,
suech dr gly «**dr neu! Wäg**».
Alli Mittel sin erlaubt,
wenn's dr Pebel numme glaubt.
Wenn's erlaubt wär, däte die,
uns am Lasso ynezieh.

Ygschbert Isch e jungi Katz,
uff der Schtross schoht ihre Schatz,
gärn mecht sie durch d'Limpe goh,
tuet am Sail sich abe loh,
doch dr Alt haut kurzerhand,
s'Sailli obe-n-abenand.
Mit däm Schturzflug dummi Kueh,
het di Fidle ändlig Rueh.

Kemmet alli am Sunntig Zobe in Muusig-
saal an Schlussobe vo de Comité-
Schnitzelbänk.